

黃鵠山人詩初鈔

黃鶴山人詩初鈔卷十七

閩縣 林壽圖 歐齋

古今體詩四十五首

喜王霞舉自河東入關過訪

久判會覲難老死各鄉縣嘗握夢中手記瘦別來面騁念
馳風輪積愁迸歲箭休官門懶出傷亂書畏遣第聞遠道
傳頗驚朝事變賞功焦爛貴嚮學屠沽賤居中亦失策行
意遂求便刻貧雖至骨受賀不受唁河流踵汾水晉雲指
秦甸愴於交盡日慶甚再生見曩時小兒女詢知慰笄弁
吾衰祇減帶母老劇病跼挂冠詎爲早訪舊已填竈相將

一燈語料起九原羨

謂朱伯韓揚汀鷺
馮魯川許海秋

滌子風塵容助我

冰雪鍊此身幸猶存與抽林藪彥

人日雪集萃曲杜子祠分韻

以人日題詩寄草堂爲韻鮑子年太守

康人字袁

筱塢學士

保極

日字王霞舉兵部

軒

題字謝枚如

中書

章鈺

堂字王孝鳳太常

家壁

謝蔚青觀察

質

卿

未至代太常拈草字觀察拈寄字余自拈詩字

留兵部中書信宿

迴風擺餘雪獻歲弄新姿春淺氣未洩溪澗寒猶支鑽雲
出山影織樹搖冰絲瘦挺少陵原峭折皇子陂起吞亞爲

崖凹凸次階墀劫火幸不盡遊讎讎迨茲雪壑更相餉巖
鏡落手卮清光徹軒檻面背嵌琉璃坐有幕府才感賦從
軍詩李郭昔竝代稷契恆苦饑奔走委皮骨激昂覓鬚眉
射虎從北平千載同一癡顛倒白閣下醉態終南歆參橫
不成寐夜水明疏枝

次日方元仲觀察

鼎錄

官農山太守

爾鐸

譚西屏大

令

塵繼至與遊韋杜閒循南山歸宿祠中

誅茆結屋棲杜老此老宦秦殊潦倒上書申救房次律從
此衡門常反鎖薛岑數輩偶經過輒發悲歌壯懷抱朝廷
禮數久疏絕鄉里兒童共寒餓千年喪亂閱及我解官但

覺人情好野亭荒遠春還早方與杜老西巖坐喧然車馬
臨江干亦有徒步從幽討鱗角鳳翥世所珍煎膠集弦乃
獨荷昨日之集杜曲閒今日之遊循南山山頭殘雪冒初
日恍似月出藍田關蹇驢借騎泥不滑曠蕩無際開心顏
宮侯朗誦桑麻句擬學買田傍山住我愁猿臂卧將軍無
人助獵陰山兔譚侯荒穢撥豆苗太息邊馬猶矜驕我勸
忍饑待麥熟捷書定奏霍嫫姚古來衰盛易反掌靈武運
興天寶往不然千村萬落荆杞生芙蓉池館亦圯傾何況
數椽結構祀此死塹溝壑之少陵歸鞭東指新祠宿遙見
炊煙裂屋腹但願得飽萬事足哀鴻求曹叫向天儻是忠

魂嘯血哭

次孝鳳兒贈韻

攢書與棟浮櫛髮使鏡縞糟粕徹精神心瘠貌外表志殼
射名的斂鋒避舌討千秋望後死五十條既老入海聚魚
鰕吐光識誰寶君握照乘珠掇及散璣小靚粧炫野服衰
態迴年少夜雪憶樊川不月山水皎燈火隔城闔邱壑通
襟抱仰刷青冥天劃破蒼煙道歸戀眾峰明猶挂古木曉
古來賢達倫過眼巖電掃耽奇復何益鍵戶恨不早曜景
滲滋液覆蘚交綺藻君如攬巔崖龍蛇壁待草

送子年赴夔州任

樓閣高架天更梯天造蜀盤雲百抵關春泉千跳瀑帶秦

覺隴低控楚使江束離腸羊曲繞愁目鷹迴矚一麾新出

守十年舊掌局瓣香願閭祠

亭林百詩
兩先生

續燈葉孔錄

潤臣
繡山

歲司祀事皆官內閣
侍讀兩君沒君繼之

嘗憶哦雙松許陪刻寸燭食竹誓抱

蟬尋蕉悔亡鹿手版豈易持埋頭匿塵牘去髮脫儒冠有

人夢超俗如何眈後接未戒轍前覆孽華乍分牋跨終倏

乘輦漢陂夜來水漲別生慘綠瞿塘百牢險魚復孤城蠹

誰云見巫峽不異瞻西嶽瓊蕊鶴銜飛蔣牙鳧入浴爲政

有清暇良足愜幽欲我過咸陽市寶屏冀可鬻

題霞舉西山詩後

筆鋒卓仰天剗刃太行腹
劖開一曲汾清若泉始蓄廿年
五緹幽吾嘗飽山淥九霄無夢到
風露衣可掬君移中條
隱深造王官谷夜鏡月往還
晨練雲來復何處不扶筇冠
帶久就束

暮警二首

列帳纔移隴傳烽又近原
燕空懸舊壘花寂卧殘垣
竟遣塵生榻難銷酒滿尊
寇氛眞習見日暮掩柴門

長使郊無警吾將寄壘荒
母能安食性婦慣辦農粧
河鯉春初上山鳴雪後香
如何招佃久雞犬日倉皇

霞舉移榻歐齋用韓孟同宿聯句韻

顛危簸夢魂老大叢訕諧鏗愁疊嗟峨圖呈駕部築悔歷

溟浸石費冤疾禽軒上方伯樹蒼媒去鳩旋斗盼持樞圖

掃欂櫨去枕餌深願已太軒汲短力猶任呼馬誤騎曹圖

我豸出中禁遠叢聚清酌軒交秀擇嘉蔭沈秋葉風饗圖

曙月枝蝟吟舍避憂失象軒壁合欣應讖蒐材媿羅張圖

效藝容販賃憤血銷內灑軒枯心澀外滲掣鷗鷁退卻圖

枕水牛鼓飲關泥卧塞雪軒灞柳紛纏禳渡河豕出突圖

筮秦調緇闖惜旬榻塵淨軒漱古盎泉沁壅抱罷昔據圖

關喉法新啗惟餘湖海氣軒縈腸絲並絰圖

同霞舉枚如用韓孟會合聯句韻

別易傷會慳語嗟覺意重

軒

鏡訝顏鬢謝劍窺肝膽勇

鏡

盟心國未寒病骨鶴爭聳

圖

思驅筆靈奮與鼓杯濤涌

軒

合魄既濟明塞茅俟閒壅

鏡

挾古出胃腎懲今辨肘踵

圖

羸盈剽絕市囊叩斷斥董

軒

幻魑指下獻奸魄舌端恐

鏡

蘭薰嗅無言麥秀鋤非種

圖

閑閉時聽熒愉憎世慮亢

軒

紙談嗤嚮壁金摸忍發冢

鏡

毀轅輕抵軒裂冠辱踰寵

圖

山晴看鞍轡蹊介簷榱栱

軒

神登鈞天醉鬼出凶門恂

鏡

念當羽檄飛誰實簡書奉

圖

卻秦貌陋玉救宋趺效腫

軒

冰天萬馬僵雪窟孤瓊擁

鏡

塞雲鬱沈墨海日渴赤捧

圖

劍馳棄鑽蠹雞舞罷鬪菴

軒

跳韓陋斃躄居糜怪微燠

鏡

蒼然河華色奄有嶠函鞏

圖

怒赫警千頑威伸厲羣嶧

軒

邇貽草木肅遠聆風鶴悚

鉉

髡原舒莽蕩軒陸齊勾茸

圖

快泄忌焚玉望儲愜珍琪

軒

賈生肯過秦子陽甯望隴

鉉

敗鼓聲已痺躍冷光空溶

圖

趨唯迫久箝拜葵病交琴

軒

開匣鑑嫫施傳鐙派嫡冢

鉉

癡猶聚凍蠅老更剝春蛹

圖

愴故滋朝怒眷新蘇卧踊

軒

沫濡魚接鬢采散鳳振璫

鉉

吾道貴樵漁末流賤滅甬

圖

勿荒燕衍太畏任號呼洵

軒

食華州筍聯句用韓孟鬪雞韻

余與霞舉枚如治常筍爲飲饌霞舉述除夕前二

日於袁筱鳴學士所有以華州筍餉者形短而瘦

大者類書楹帖筆頭食而甘之學士筋再覓不可
得云園主倚竹爲生防苟甚至無賴子兮隙竊而
市之往往銃斃致獄余歎曰君知西事乎此回漢
搆兵所由起也爲述往事邀二君聯句

英蕩節未敷竊萌勢猶待內懷附塗密

軒

外飾干霄彩爭

抽稚子瘦

鉞

顛踏頑僕殆裏瘡甫甲脫

圖

苞淚仍鞭在錐

客囊處穎

軒

筆公家退繳卷籜兆饒餼

鉞

焚林失幽塏冽

禁山髡鉗

圖

窳穿砥砢磊脊茅匭錫卻

軒

頭箕緝算改鸞

刀截雲肪

鉞

蠶盆濯雪皚菹並芹韭錯

圖

藪兼魚蒲倍根

披薦劔登

軒

皮傅濟鹽醢老齒健可撐

鉞

枵腸甚其餒牛

羊久負債

圖

雞鶩甘被給喉螯防去乙

軒

首多慵算亥嗟

爾出地奮

鉞

膺茲膏饒罪芥蒂積未忘

圖

挺竿釁已浼戢

頭悲恣饗

軒

駢血累遷賄楫成難塞河

鉞

鼎沸劇掀海追

占噬嗑凶

圖

因咎剝膚怠角稽厭反而

軒

矛戢息鍛乃接

纓板參玉

鉞

舞蔗筵圍綵杜漸戒觸藩

圖

達字止罇豈長

爭任滕薛

軒

班綴等姜隗慈胞無凡孫

鉞

元氣有真宰留

聽風琳琅

圖

終備葑菲采

軒

龍爪槐聯句用韓孟石鼎韻

槐唐年物在杜祠西偏牛頭寺回事興寺燬幾半

此槐獨存

夢蟻魂甫返膾鱗肝思烹槎柯兀當眼

圖

拏攫瘖癢聲之

倒雲垂帟

軒

角昂震喪亨幢蓋石憑怪

鉞

門扛鬼扞驚婆

娑懺罪悔

圖

回鞞運元貞劫退心不死

軒

神凝貌羞爭科

頭輿脫蓋

鉞

被髮冠落纓癩底捫欲起

圖

搯拄奮末平雪

孕氣勃嶽

軒

山老春勾萌掌縮妨地迮

鉞

臂伸礙峯傾日

箭拒旁射

圖

雷斤赦孤清碧禿膚解剝

軒

黑滋腹液盈枉

矢搖星動

鉞

飛叉舞天成鈎距聳髻鬣

圖

矛盤割陰晴塵

風葉甲脫

軒

鬪蜺枝鋒撐電駭剔抓鏡

鉞

波碎瞥曳鐺爬

搔塵去垢

圖

撼拔坵塞坑拳曲蟄蛇蠖

軒

瘿贅寄囂罌扶

日堅孤握

鉞

迴天拘隻擎睡驪尙抱珠

圖

靈蝨亂沸羹蝸

縮糝黏膩

軒

蚓蝮蛻解輕耳乖蝻膠割

鉅

卵隊均璣盛天

魔忽以縱

圖

地軸欻遂橫颺激林腥鏢

軒

酸流巢殼鳴蟠

根判利鈍

鉅

多節攄忠誠茹騎鬱遠勢

圖

松化糾直情刃

點睛瞋怠

軒

杵降掌聶弁象泣地金布

鉅

馬圖壁采呈嘆

雨朝益兕

圖

吟風夜鐘慳鶉首猶秦野

軒

牛頭尙唐名移

湫虞尾掉

鉅

擘華畏擱燈火鑽應朱夏

圖

木德符蒼精裳

袞分陝舊面三在周行

軒

同霞舉追懷許海秋起居兼寄董研樵觀察用韓孟

雨中寄孟刑部幾道聯句韻

悲期奮桐碎思召護棠拜

軒

意乖緬邈塗影簇精靈話

圖

燕魂夜通幽晉夢波連界

軒滯淫判痺痿瀟晦雜噫噫

圖

因君口防箝使我心這械

軒鷗鷁混儔侶夔魑攝光怪

圖

嶺躋肝雪皓河絕懷冰殺

軒眷言生死別倏閱燠寒邁

圖

起居倦朝謁衰疾混通介靈鷲忍瘡饑凡駝勤節疥吟愁

角昔健酌憤斂今快袖銜隴羽馳抱厲并霜鍛淚遂過墓

式耳猶加餐誠軒遷客桎冕綸後死藥毘瘵繫翼問種瓜

沫鱗惜浮芥腸西而輪掉首東憩馬憊刈枯樵禿割腐

扈鮮壤橫汾目洞游洶渭心湖泮

圖

寤驚貌瘠玉覲幸附

脫鞅繪絢無曲睇膝嘈有孤喝書血鑠難乾劍眸淬不敗

木斷悒沈棄舟流睠通屆摯駑謝籜策疲犁畏驟犢去來

跡殊翟弔賀情均崩軒皮存甘隱豹髮種異卷蠹解鞍芻
求羣築壘麴破戒鼠腹不供剗蟻蔽將充嘒笙瑟憶合瓠
砧礫例錫珍跡纂風埽塵發篋露披薤灑雨獲濡泥獨行
勿愠夫圖

春雪同霞舉用韓孟秋雨聯句韻

寒峭抖餘威颺舉興繁會圖交疏夜沈墨錯陌晨隱藹軒
陰機閉屯蒙陽候愆否泰圖道目猶飾條塗聽已掩瀨軒
原鱗割冰碎檄羽掉風大圖托地迷溷茵附根等蘭艾軒
鬚拂麾豈曾面乾拭誰奈圖徑去趾濡黃津過口封兌軒
擺落漸不禁揮灑初何汰圖坳殘容守白岑積遂喪外軒

日采蔽微明星芒黯就噉

圖

竹覆滋羣萌梅侵忌孤鶻

軒

上陵恣排撈下蒸滷滷沛

圖

簾寂方匿影枕希自生籟

軒

埽除憂散漫閃鑠戒參怵

圖

幸得假圭璧詎堪久杯帶

軒

龍蛇消昔厄蝨賊去今害

圖

磬漲虞毒涇鹽撤待流滄

軒

覬澤冬苦慳獻瑞秋喜賴

圖

新吟付獵灞舊夢尋入蔡

軒

竿思釣澤投觴異禴神酌

圖

覲見時雲雩山躋忽蔚蒼跡

泥漚昔陷轍涸受凍磕穀卜食空玉米祥含無貝先時多

禱禁後慮誰修齋

軒

堙井枉塘塞逐波吝沾丐隴咽暗鼓

鞞關擁迴輶軟馬愁大窖嘶鳳杳朝陽翽爆薪詎添竈翦

綵仍翔蓋

圖

霏來遠懷仲膏勞近傷鄒析冷埋乾鐵杠空

卧僵旆凝氣終散駁鬱晦行舒靄斧飲罷漬血窟餐免糝
塹會將雪片斫共飮春蠶膾軒湯沃解晶瑩塵浣露紺最
對霰猶效董揚雲歌思沛圖冰絲爭綴繁晶腸尙吐霈虎
搏笑兒童粉本聊去太軒

冰橋同霞舉聯句用韓孟納涼韻

凝颺咽孟呂沍澤驅并朔軒呵叱元冥威洶伏崑崙濁嶽
嶮危下洒礪硯擁上擢漏卮能塞海擎柱欲撐嶽互視何
谿衍駭聽猶舉瀾圖市地漚凍漸彌天殞僵電管交策空
施梁船計已慙罷盪后昇舟遂咽神夷樂漢填愁靈匹底
個忍雛鷺軒斫斧崩礪硯橫杠截遼邈緼僵日不繫鏡冷

波難握狀排玉山豎影蘊銀潢卓瘁痲狐帖耳踉蹌龍抱

角圖挺挺厲砥平丁丁築場啄塵揚劫方弭波卧春待渥

輪滑虞側掉蹄空畏深捉聲摧晶闕碱勢偃瓊宮栢軒昂

藏擲杖化皺脚跳壺濯尾銜蛇蜿蜒涎膠矚矚犖突眼攢

蜂窠漲腹裹鼠璞睨防圮墜履餒覷滹進穉圖魚負痕蹴

鱗鼇支岸坼殼伏流聚漩渦暗浪消齟齬灼兀怵維斷礎

虛慄骨斲胡為塹投鞭不復暝橫槩軒寒門淒誰殍陰炭

熾弗覺浮漂條裂膚崢嶸空飾貌功虧帶坻勢智誤盛囊

學詎知鴟鵂困頓變蠅虎撲圖濟防指脊掬涉免脛朝銳

索鐵愁聯星欄玉謝繚葯研訇海等枯嶒嶠山同剝旋瀆

危頂滅潰防甚口詠軒草木今慘慄川塗昔碧碣陷尋覆

轍在躡恐銜枚數語蟲噤以瘖藉鳥縮仍擲育風復砭頑

很石競饒朴圖棧雪盱懸度梯雲懾飛樵醉倚憎血啼泮

歸倦霜坼履均虎尾啞題任魁豪救疇當支坤軸庶見補

窮幄軒抱冬安能眠吟灞銳礪琢圖

對雨同霞舉用韓孟遺興韻

愁絲織曙雨牽夢惜宵央軒陰蕤困未解埃壘淨已忘圖

肯將前祓意徒滌冰雪腸軒飄風報東陸密雲屯西方圖

庭閃點飛乍砌翻濕瀉將軒糝瓦簷霏玉補碓杵舂梁圖

蟄萌滋潛駭溼翮滯歸翔軒憂旱昔欲弔歌豐今當憊圖

焚越幸蘇槁軒乖謝收銚

軒

炊晏竈薪爆轍深底馬藏

圖

山懷酒初熟園問梅再芳

軒

連牀堅後約旅聽魂悠揚

圖

同霞舉懷楊鐵臣觀察用韓孟寄劍客李園韻

拄杖久斷手扶傾失鐵君

圖

海懷沮肭朓巖跡閉細縕

軒

淬膽厲秋雪障面卻塵氛

圖

吻排氣驅鱷尾掉光潛蝨

軒

抱薪見厝火勒山寄移文

圖

莫避前京兆從呵故將軍

軒

發噓知寤思罄欬恍夢聞

圖

蔭憩甯暫乖岐面無終分

軒

顏鬢各成老翰墨歸策勳

圖

不妨水中劍還逐嶺上雲

軒

寄懷少鶴琴西用韓孟有所思韻

天台恨千疊桂水愁萬重窺鏡畏新髮臨風想舊容

軒

江

花老挺秀塞草春披茸
嶠首摩征雁潛吟哀
鷲龍

糟蟹同霞舉聯句用韓孟征蜀韻

澤國勢橫行醉鄉力確拔
輪囷海貢錯旁薄蠻族猜

旱載枹揚霜稜點鏑殺
漁睨擁毳毳螺縮避齧齧

先推刃介馳衷蹲札陰
星夜布火退颺晨銷北

貪饕怒激水傾軋咭腹
內猙獠鳥喙旁呷啣

堅爬沙陷跡鱗魚緣首
側貫緩挂毛垂滑

後截戈迤戛顛倒縛醉
猩曳掣勢猛狻

指奮南八足涸憎隨跛
頭泥效顰鬣危仆鉤曲跚怒撐

雙詠軒口饑免釜泣耳沸聽
魏察水戾劇飲牛天黥異補

納壓酢糟被鉗撇笏中漉坵圖裂舊箭廢括鬪爪車晚轄

狙七謝彭醞鑽礎甚英剖獨醒團晒尖後死愍勝黯駭狀

虞觸蠱混形誤吞蝟坤血雜元黃乙腸失僦僭車滲紅骨

不漬突碧睛仍眇發發庖咄嗟錯履闔闔輸神剖有芒

怖鬼夾欲握海滴出篋篋江斲話櫓竅屈鐵左右持獻玉

再三眊圖甲堆塘斧破兵曳乙箭鍛紺刻齒決獠白剝乳

羞納效鮓鬚別舛濟藥蹄珍圖轉喉苦整戾挂腹爭萃蔡

醒待緝顏醄滄思茗眼睇軒京遊湖篋載津味輒篋刮納

魄臍吐月殺流聲孽汎沈洒恣枕籍纍俘利繩管臘食伴

寄豚凍醅候聞蛰逐臭空齟齬濡首俄禿揭圖舊侶酣蕭

緯新魁醜稻稽鶯占匡象儷蚌應肪痕邱築悔麴塵鋪
埋任糖粘軒刷箒勸莫停倒鎗起更拈膏殘休抹竈清漈
共濺沫薌澤請留髡滅燭風敲劫圖

遠遊聯句用韓孟元韻

天星燭深別宵且無停周

軒別方伯舍人

雨點不敢墜衣

淚難復收

鋌送駕部

預惜萬里訣願堅十日留

圖送駕部

秦吟猶西滯汾夢已東悠

軒

出門無歧路生世有白頭

鋌

恨灞不淹轍問渭曷艤舟

圖

杯脣氣塞鬱弦指聲裂柔

軒

劍剛分合彩珠量羸縮愁

鋌

老大捐世務狷介獲匹儔

圖

條榮茁舊槁枝綴變新啾影夜燈雙對跡旬門共幽驚途

尼屏翳顛卧憎石尤

軒

弄夢昏達曉錯候春抵秋髮董倏

突兀心繭契綢繆餌深竭意釣獵異泯象搜

圖

獨鑄一瓣

血思馳千載漚隙光委猛抱塊步回驚流兼思諒難致荃

懷坐孤抽筆靈尙睽陽腸怪時蝸蟻輿接甯歎鳳關迎誤

騎牛濁清眯涇渭鉅細紛嶽邱

軒

惠來肆集賈謝往狴脫

囚榻冷待徐設轄聯效陳投叢巧恣採綴貢鮮競徵求秣

驥忝牛阜擷豆連瓜疇辨曙鳴膺膈騁遠嘶颺颺重關忽

瑟縮萬井爭吹嘜

圖

鬱鬱龍虎地沈沈帝王州鑿坏情夙

尙礪石心相勦何必接轄軛終焉牽滋馭雲歸片帆駛羽

倦孤風輶遷謫殊屈賈放流異共咬肯招北山隱畏話東

陵候

軒

載駸目駒逝假乘尻輪游靈瑟懶獨鼓神藥望同

瘳腐食卻替芮槁飲跼久猷余退匪亡戟子饑詎鬻矛吟
越阻征邁晞晉迄羯休悔貞每隨遇底用龜告猶

圖

話別用韓孟莎柵聯句韻

今夜尊中月照君影雙舉

軒

月大如車輪尊盡馳何處

圖

長安贈別并訂遊武夷倒疊會合韻

塵海晝夜馳心潮往來洶

圖

阻西限恆華邁南踰句甬

鉅

律變黃圻莢興移殼曝暵

軒

首低羞齷齪足奮效躍踊

圖

顧惟蠹鑽紙奚啻蠶蠕蛹

鉅

騁異倒洲泚獵雄拔萃冢

軒

羈感鳥就繁豁覲囚脫萃

圖

踐華罷喘嶲涉河漉洪溶

鉅

邇程眇書郢遐願密得隴軒圖形起佩劍廢禪憶投珙圖

快遊終絕幽短御先破茸鉞話間興孤飛吟海神造悚軒

未衰濟勝具漫息扶憊圖瞰怪方適蠻履夷道假鞏鉞

展支脊添健節卓腋消虺軒搖精懼猱狄沈籟收蛩螿圖

盆對太姥傾竚呼曾孫捧鉞曉窗抱石啟宵榻伴僧擁軒

俗緣慮絲腎凡骨防枝腫圖緬當萬象羅盛有諸天奉鉞

梯虛嶠思逸躡曲霞情恂軒竿虹維纜緯標斗插櫨棋圖

篆籀斯邈鏡卣鬯周秦寵鉞跡滅甘巖棲仙成笑壘冢軒

介前期導迷鞭後覩抽穴圖飲莽腸助清餌芝髮醫種鉞

歸轡君暫休暮途我何恐軒紫衣拂蘿薛烏帽引坡墉圖

呀鷹上攫爪踔夔外垂踵

銜

目憐等儵忽魂交無閔壅

軒

鶴怨雲招眼龍呻灘沂涌

圖

九嶷恣遠吞五嶽讓高聳

銜

築舍學商密鼓帆老策勇

軒

揮手勿路歧山靈託珍重

圖

送枚如赴關西書院

旅塵漲恨海眯日挾沙簸春濤
勢貼席剗港暫振柁脫蹄
久消鐵丐膏猶炙輟揮觥欲醉
汝彈鋏愁別我秦吟來何
遲越夢歸不果攪腸置冰炭
煮腹鍊風火繾綣弄春絲相
見蠶對裏市朝競籠絆聲實混
韁鎖覩今閉眼竅綴古抽
心朵布衣未可量筆力夷埒
坳低頤類隱癭緩步學用跛
短長任鳧鶴靜躁安裘裸百鈞
師羿射獲中幾箭筈待收

四方弧往試長楊堞

題枚如賭棋山莊詩集用同心之言其臭如蘭爲韻
眞宰避泣訴寒竅死百蟲結成陰陽瘕感歎天地孽世疑
蛟龍螫病與鰕鮓同我起視大壑沈沈蒸鴻濛

海澗斛有底嶽峻梯有岑測量獨方寸俯仰殊高深冥想
欲孤往斂魂還幽吟風寒梳爾骨雨寒刷爾心

獵名先獵學駟僧眾所師銜玉必跣足懷寶甯剖肌賭勝
謝六博搔垢勤千篋道成行水耳載舟任吾之
關弓射搏桑淬劍鏗崑崙生博腐鼠嚇死銜嘍蚋窺過眼
絀勢力饒舌紛怨恩千秋一指馬心解始知言

元豹負文采，隱霧修毛皮。封狐竊脂澤，弄月媚肩頤。將旦
星曦彼，既雨風淒其。與爾悔狡獪，少黠老願癡。

蠻海洗羶風，賤夫浪逐臭。醉魂蝶死馨，酸骨猿抱瘦。油以
膏自煎，木以材自寇。爾胡苦刻鑿，憫世目矇眚。

昔賢任憎愛，門戶見難除。後賢持可否，蹊介辨何如。屋溼
笑擁腫，甘醜嘲籩條。外觀采匪耀，內美蘊有餘。

病毬不能官，惜杯不獲完。蟻磨石息轉，猿啼霜慘酸。捩艾
幸拾珀，插棘勉護蘭。我腸爲爾結，終始環無端。

吳桐雲觀察東瀛二景圖

君擁臺洋節，天澄帛嶼青。高標竝南嶽，放眼小東溟。鷗鷺

時相狎魚龍不敢腥寇恂仍許借期話道山亭

送桐雲奉調回閩

造物離合能神奇我欲告歸君來時燕京閩嶠不相見可
惜如今雙鬢絲紫駟跨出橫門道灞橋垂柳青正好請停
玉轡挽長條一尊留送黃鸝老

文皇臨御憶初年

鳴鞭曉拂香爐煙小臣挾策獻大計公卿動色嗟才賢韓
齋舍人走報我喜翻紅藥連青瑣當時金闕苦論思位置
金甌期不頗天有雨露山澤乾往濶滄海澄其瀾鯤身萬
里更坐鎮鷺門百戰終平戡至今父老能說尹胡不涸轍
甍東南我慚木葉已衰謝社日歸心夢桑柘君如回蔭萬

家春料理布帆及秋下

從軍行謝枚如席上送譚西華

鑿

大令赴鄜州軍營

昔歲君出塞我方困度支今茲君渡河我已乞恩私極知
關塞遠不厭鞍馬馳蟋蟀抱秋葉蝸蟬脫風枝昨非理今
是新交副舊知我恨傾蓋晚君坐封侯遲離堂一杯酒攬
鏡雙鬢絲相對悟虛名如挂斗與箕國家用兵意文武義
兼資奏名列百戰躡級登九墀遂使浩瑄輩儼擅管樂奇
潭海連龍鰕獵渭非熊罷起視脰肩肩鸚益嬾多姿風雲
乘際會造物加鑑錘豈無射虎手老死南山陲名實苟絲
覈萬古無成虧昔披篤舊集

劉炯甫
編輯

豹采已暗窺再讀厲

志軒

西華詩集名

驥足嗟久羈識君將十年交君歲再期明珠

仙者佩芳蘭王所姬謝公起滄海鸞鳳並鞭笞揮塵未及
久值我挂冠時冥鴻謝贈燧天馬辭舄屨何不棄升斗臺
笠聚東菑松柏養高寒蘿葛籠絡之迢遞鄆州月黯澹少
陵悲關山覲面難南北況路歧請借謝公酒取醉獻狂癡
幕府固多才慈惠以爲師收此文章戲斟酌活瘡癩霜風
獵祖帳蟠蝨貫酒卮夜談翻河漢西偃參辰旗隱約吐赤
舌鬼神弄陰機書生安文弱道高官固罕寶劍不出匣誰
能辨雄雌依依逆旅色瀟瀟黃河澌邊城早飛雪驛路撚
冰髭君往我將歸人生多別離

官農山

爾鐸

攝守延安索題叱馭圖爲別

長河殺聲流未已邊城昔堅今盡糜眾皆裹足誰敢前君
迺弄筆書生耳秦川夜雨漲平明葡萄醞醅酒細傾初筵
卽有千里色欲天漫放南山晴金絲絡頭玉搭手馬尾雪
花散楊柳黃鸝恰恰不住啼燕子飛飛故迴首漢家刺史
兩益州青天白石名並留看君報恩負慷慨翻愧奉母棲
林邱太白窟寒陷冰雪險甚邛刺阪九折安能疾驅一萬
人閉塞蘆子限戎轍何冠落珮前大夫帳擁美妾讀兵書
雖聞軀幹絕短小奏名百戰應時須鐵甲生瘡金鼓死脫
兔不成成處子摧輪失魄下駟多厯塊呈材良驥始況君

胸次鎖雷霆，阨塞舊識山川形。但詢疾苦報大府次第畫，策須施行開口未能談。管葛望作循良笑，疏濶賣刀買牛甯。非民渤海冀遂世，再活春殘青草染征袍。君往理焚攜孟勞，璽書衰勉二千石，盼未及我歸丹操。

爲沈少蓮觀察題其尊甫蓮叔都轉載酒訪隨園第二圖

翰林風月未曾孤，俯仰東南盡越吳。江左傳觴俱老輩，眼中縮本幾西湖。空餘華表今歸鶴，見說延秋昔啄烏。金粉六朝消歇後，樓臺何限綠平蕪。

仲桓家藏漢壽亭侯印譜宋司馬文正公書文華鉅

族譜牒輝光八字裝卷索題

躍從魚網煥龍文髯也丹心故軼羣名與炎精俱不滅阿
瞞慙署漢將軍

家乘殘餘翰墨香千秋史筆藉流芳人生識字先忠孝老
戀君恩向洛陽

懷古勳名將相尊巾箱手澤付兒孫寒天開卷長安市熱
血須君借酒溫

牛女歎

牽牛飲渚矯服廂織女向壁弄報章啼饑號寒滿三輔此
夕何夕銀漢光北斗七星耀帝座去地何止萬里量右樞

執法伺機察蔽於楯陞難周防東西相望一水勢泛濫下
衍黃河長黃河兩岸濶千里但有爭鬪無耕桑或言河鼓
主大將寶沈闕伯胡參商秋分翼軫各犄角有赤其舌箕
哆張我牛供爾犒軍寶我女供爾縫征裳饑殍殮球匕易出
涕望爾牛女通津梁

湘陰劉公過別意有不釋贈詩廣之

隴山喜報清烽埃陳私於朝可其奏快如鷹脫臂上韝人
道我公輕去就千金購與潺澣洗不龜手藥亦已售人間
覆雨天變雲鉅鹿不到常山軍白頭萬里倚闔望我公此
時薄將相我初未涉兵家流穰苴古法多陰謀從今瀚海

盡洗甲願換刀劍爲勸耰況臨湘水美田疇不患歉歲能
豐收但患 詔書起林邱交無貴賤期終始古有英雄笑
餘耳使綬若若印纍纍我知弗及仲公理

杜陵行

北風關塞天雨霜寒溪淺瀨渡橋梁南山虬龍窟澗底原
上楓林燒赤黃雲霞錦綺相照耀松柏空大減輝光于我
何事意沮傷杜陵老人昔帝旁讀殘萬卷慳一飯坐懷稷
契歌虞唐此鄉勢做田畝良回紇再造祠宇荒瓜疇蹤跡
鹿町唾熠燿夜舉繁星芒自來儒冠多棄置竈下養卒皆
侯王古今流恨一渭水白閣黃山引與長秋深鴻雁絕稻

梁豺虎攫去餵饑腸父母教兒休識字騎射須騁沙場利
養成盜賊養爾曹掀天富貴十年事

割麥歎

大麥二麥滿隴黃東盡同州西鳳翔五歲荒歉今豐穰婦
喜餉饑男攜筐腰鎌擁至胡與羌狼奔豕突空村莊貔貅
萬籠炊隴首報捷受降慶以酒安得賊踪遍地走信陵侯
生世亦有卧內竊符無援手願天降鼠大於鴟盡運所割
還民家

赴飲蔣璞山中丞

志章

終南山館

踰旬起我初櫛沐廐馬歡騰僕結束青芻白飯沾寵光破

費官酤更一斛，弇山開府全盛時。邀約孫洪飲醴醪，風流
恍惚追昔賢。可惜邊隅尚飛鏃，坐鎮雅俗公有餘。世儒競
讀孫曹書，未能矯舉學黃鶴。且與濡沫忘游魚，南山當戶
多闕人。曾於此座忝末賓，南山之雲屢眼見。條大如馬快
如輪，人情變新公雅故。詎知下帶拖長紳，秦川據案平於
掌。高館危亭勢獨傲，鴻雁嗷嗷遠莫聞。翻飛愁望荒蕪廣
野夫，心疚久弗瘳。賴與美酒消繁憂，君不見淵明詎是嵇
阮流。世事祇須一醉休。

贈濮仲陶州牧

五

全人脰肩肩，天與纒益病。甘賣青門瓜，故侯變名姓。子才

符竹宜芒屨殊未稱數從泉石遊饒有山水性曩督環慶
軍仗劍勞造請張弓偕上馬賊壘容馳騁歸煮冰雪糜酒
面風力勁問年將六十視之勝壯盛積薪後來多嘗枉焦
尾聽視牛目無全未能割雞競浮沈墨綬間兒童欺項領
尙煩故父老桐鄉述善政扁鵲未入秦桓侯疾無証霹靂
落蒼鷗星火期再迸

黃鵠山人詩初鈔卷十八

閩縣 林壽圖 歐齋

古今體詩七十二首

過灞橋

奉母喪過灞橋承父老祖奠復進而言曰憶辛亥
四月迎養至此某等數年得全活皆太夫人慈悲
也余感領其意灑淚爲此詩

昔來楊柳未勝鴉今見枝柯容憩馬樹老成陰人不如水
聲嗚咽傷逝者雍州華陽古都會吏民親厚宅許假南山
重泉深可錮亦有七尺美梧檟萬里魂魄思故鄉念非吾

土情割捨關中始有豺虎亂趨奉 詔書活鰥寡否臧視
母色嗔喜慄慄危心懼髡赭不願兒能貴懸魚但願兒無
辱封鮐澄懷誓鑿八水清慈訓詎淪九原下灞岸黃鸝坐
綠葉憶返板輿語嬌姁如今薤露舉哀音楚些魂招騷變
雅官居六載惟啜菽欲進雞豚顏弗啣謂言舉目盡瘡瘡
余喉久鯁胸結痕祭豐養薄古永歎何事萬釘縛帶銛紛
紛黃口索稻梁悔爲若曹誤歸社斑衣從此棄巾箱忍痛
聽談辛亥夏慈雲冉冉沒西方猶戀餘春煦萬瓦孤生縱
獲全髮膚那得瘦腰會盈把老烏鬻雛苦成家雛解反哺
烏死野悲鳴東去止驪山寸心夜灰蠟淚瀉

臨潼雨夜

扁舟歸去隱菰蘆
老大心情付五湖
孤負秦皇山下雨
挑燈夜半讀陰符

新豐

欲覓屠沽語人烟
漢代殘枌榆逢社後
雞犬散雲端過市
春流水前峰雨勒寒
哀音遺趙瑟東北愴邯鄲

華州西溪憶杜子美二首

冠蓋遊春往風流滿鄭南
至今西溪水絕勝
曲江寒抗疏
謫官易論才求相難
無孤忠愛意青竹護琅玕

少陵原上草隨我向東來
瀟灑江湖夢沈淹
契稷才塌埃

未酬答華渭此悲哀擺脫干戈後銜憂天地哀

寇萊公故里

倉皇議虜及淪平決策澶淵仗老成多少樓臺尋地起憑誰大廈與支傾

潼關次韻酬別方元仲都轉

德喪善無鄰俗競儒不武積薪勢崔嵬屠販爭建樹木巢鸛避風穴徒蟻知雨負重悔頰肩乘擔歸操櫓出關久摯維賃廡再涼煦別詞何溫厚極意憫焦土莫謂秦無人纍纍繫印組譬射鳥六雙大者視吳楚莊周棄官後肝臂蟲鼠腐萬竅聽自鳴無由攪肺腑雖然軌轍殊進退異所處

終不黔首愚永言獲多祐

次盤豆驛

路出重關狹崩崖束峽高馬餓盤豆驛烏掠鼎湖波雨勢
遙飛岳城身半沒河飄搖滿頭雪西望故人多

稠桑驛夢吳夫人

妙子傳呼第幾坡淚潛諫議鬢成皤桃林夜雨酣春枕羅
襪相隨奈冷何

函谷關用韋蘇州韻

號尾擺秦頭地軸陷傾側黃塵古復今鞍馬勞無息爭險
詎獨羸弱肉恣強食方軌未容馳丸泥猶可塞楊僕伐武

功劉徹昧固國鎖鑰自東開所恃詎在德君看元鼎後塞垣空南北嶠面風雨多沈陰鬱戰色望騎不須驚棄繻且弗識比歲驛埃清頗資將帥力河上賦逍遙久戍動心惻

斷密澗

斫頭醜虜墨色兒不屑光祿希台司學書學劍慕項羽已與劉季分雄雌褐裘天人龍虎抱虬髯斂手扶餘島青青翻反澤中蒲一夕秋霜就枯槁牽狗不憶上蔡悲騎牛難再緱山道邢公峴色鬱愁雲羃羅結束刀藏裙爲誰枉殺王將軍桃林事異烏江走漢家聞禮項王首至今父老薦酒漿叱咤英雄世安有

途中寄王霞舉

旅夢通虞號郵牋假道遙
三門排底柱二室走中條
春草綠無盡鬢毛白不饒
伊川有真隱卜築會相招

訪魏野草堂

紗帽騎驢去不還
柴門易代水仍環
尋常過客看修竹
三兩老翁來白鷗
賢相昔爲麋鹿友
佳兒竝在鳳麟閒
平生巾幘余尤嬾
聖主恩深早放閒

別周雲舫

仁壽

陝州同年

幾年分陝接東鄰
憩舍棠陰慰再親
往日激昂空自許
至今老大尙能貧
春歸遠水將浮漢
夢戀重山未離秦
記取

楊花吹雪地白頭相竝太陽津

陝州曉發

曉色辭雞唱春泥污馬毛峭函正風雨砥柱更波濤彌覺
人情厚能忘次舍勞他時經號畧芻秣曾叨

會盟臺

趙王鼓瑟秦王缶酒氣貫虹雌雄鬪趙有名城秦豈無秦
書亦書壽亦壽五步頸血必濺衣禮成好會古應稀若如
楚懷西不返廉頗議立詎爲非國危爪牙資文武將軍愼
勿傷兩虎賤儒輕弄筆舌功時許折衝寄樽俎白日無語
二城寒自流澗水向新安悲哉長平之役趙不報天假項

羽憐章邯

石壕

暮投官吏捉人邨
丁壯凋零嫗守門
不獨二陵怨風雨
北邨還有未招魂

渡洛水二首

臺傾銅雀杳香分
羅襪塵留水有痕
畢竟驚鴻終逝影
鍼神輪奐藉靈芸

飛蓋西園往跡陳
東蕃忠愛楚靈均
袁家中婦難爲匹
古有湘君似洛神

經北邨山

牛羊躑躅未歸邨松柏摧薪半不存萬古爭名求志表幾
家祭飯膾兒孫野風吹水消伊洛山障開晴向關門競買
墓田近都邑茫茫漢晉失陵原

洛陽別路漁賓同年

璜

九縣頌賢聲老作洛陽令長官易見噴銅章催解柄欲夷
用樵鍛欲直資榜檠下車撫痍傷緩轡誅強橫離朱炫至
明索照持反鏡古來民社寄詎尙刀筆競大府雅知君屈
伸妙爲政任嘲無口匏毋使庸撓正歲星再周天相見非
壯盛故人試省記生存幾衰病老婦退空房奔女不交媾
與王昔同床艾封淚獨逆鬢白頰能紅神識欽淵靜騷騷

落木天骨立山餘勁臨當策馬去慨發孤劍詠三十六嶺
峰別夢勞還賃

遊寶陽洞

龍門勝三峨神秀甲震且丹崖相向傾東峯旭夜半未曉
洛陽鐘巖日已電爛石壁翻青紅氣出太古鍛樓臺霽若
春欄楯平可案一徑獨流煙雷雨聲呼喚千年老玉龍作
使香霧散諸天坐三龕花鳥供笑粲禹功斧鑿荒塵劫燼
餘換教躡金輪興運頽銅拔歎暮望八節灘更欲褰裳亂
一言與佛別願佛勿流汗

登香山拜白太傅祠墓

關門兩山面相向香山肩聳西山上耳洗清潁眼碧嵩注
洛委伊輪腹臑跌坐盤旋河漢聲抱持合沓風雲狀休論
宅土相陰陽卽卜佳城亦神王禹功旣鑿佛宇開客能到
此皆靈胎若非年百餘歲李元爽恐是三生石上黃犢吹
笛之聖孩春夏氣交草木迴葛覃施谷香風來兜率天宮
我無分後身轉劫未愧頭陀才昔聞白太傅六十尹河南
返居履道里皈心禮瞿曇我官京兆甫四十飽啖蔗尾無
回甘遊梁訪雙闕覽古搜三龕殘鐘度水夕陽遠石樓漠
漠雪灘晚歸村欹枕夢亂流隔溪具舟催曉飯公莫憎疏
傅貧無金我欲學子平去不返有山可老死便埋何事蠶

蛾苦縛繭君不見李贊皇花石輦致平泉莊勢力攫取世
莫當山海可徙歸滄桑豐碑異代宸題煥輪與人聞作
道場

汝州

路迷梅肆辦微义落照燒殘頰尾霞無數寒鴉帶饑色馬
前爭撲米囊花

百年未死負君親短枕長檠次汝濱遺母分羹成往事九
原慙媿穎封人

自伊入汝嵩山迎馬首舊有遊約今不復果作望嵩
篇以寄意

曩約盧浩然卜鄰求息壤二室老三花十年欠一杖晚事
梁宋行復觸箕穎想仙靈重昔諾馬首迎萬象鶴駕無古
今虹橋自來往睡龍似怒噴噓吸氣蕩潑雲霧玉女牕層
層闕幽做秦槐已委蛻漢柏空邀賞下方蟻蝨多上界星
辰朗久不降甫申崇高吾安仰覲面伊洛間終未脫塵鞅
歸鞍明月夜入夢吹笙響

郊縣過三蘇墳

老仙昔住無何里不礙去來外生死一念如箭過新羅八
極神遊論尺咫思返我眉偶然耳郊廓有峯拔雲起汝海
月輪盪夜明宛見流影平羗裏老泉舊愛洛城居穎濱晚

致許州仕一朝籍挂蜀黨人萬古山歸名父子醉鄉蹇驢
騎詩翁秦家兩兒亦莫比
見元遺山送詩人秦簡夫歸蘇填別業詩石田茆屋
更誰隣泡影電光不留視我生日夜乘化遊願借河車挽
鉛水歸途寂寞戀庭闈淚灑松楸去料理

拜李元禮墓

聽雞去汝南飲馬臨清潁恨與水俱東到海流酸哽蠡吾
私甘陵潰癰始垂瘞鼓舌日生風灰揚土未冷西邸既踵
開北部復爭逞世濁不復清機動難爲靜司隸荀陳交國
政蕃武秉冠方側目彈履已重趼屏鉗髡盡知名詔獄甘
詣請皋陶久不神黨人死非眚龍門宛崢嶸清峻冠眾嶺

詎乏俊及儒古步思今騁無由被容接謾謾松風領

葉縣見櫻桃憶黃山谷還家詩書絕句

豆綴櫻桃過破花何如漫尉昔還家養魚不及斑衣奉萬里天風負短槎

石門與張小峯明府別

鑰別

久契丹邱子幽尋高鳳居石門拂蘿薜汝海渺鯨魚招隱淮南遠涵波楚北虛春風一交葢飛雨灑分裾

裕州漢世祖廟前續棗兒夢中詩

楚雲澹澹雨初晴晦靄昆陽漢故城夢醒罷談龍戰事山風攢送馬蹄聲

博望阻雨

夜聽驛亭雨殘鐘博望鳴雲連漢新野山暗楚方城萬念
單衾冷孤邨一水盈大堤知不遠鷗鳥阻南征

過百里大夫墓

道喪士自嚮芻豢悅儀秦集矢必樹的羿穀逢彎鈞女固
有不嫁媵者況爲臣流沫出眾口舐舌生貪津嗟銜蹄乘
肉奚異皮贖身卓維微子喻獨契孟氏真納璧佐以馬寒
齒亡其脣碧雞正西飛廣樂帝與陳飄蕭七十翁去就判
屈伸報虞三置晉由蹇安足倫青山宛葉間體魄桑梓親
試問操何術歌春靜四鄰禽息儻有言養牛乃養民霸戎

今難再困楚古有人

卧龍岡

諸葛眞名士南陽大布衣自投魚水契無復草廬歸往事
三分鼎荒邨半掩扉兩朝心血盡萬古羽毛稀荆益終陵
跨蕭曹待指揮從容酬顧盼慘澹運神機倘遂伊莘隱應
嗟齊管微至今高卧處白水帝鄉依

范蠡故里

五湖水拍天浩蕩浮鷗送一葉載可家吳越已歸夢俗駕
三戶掩古轡千秋控被髮誰佯狂抵掌曾驚眾山川連葵
濮野色麥壟貢石室妙道書久罄沼吳用宛令信英特造

廬觀者闕如何賜劍來獨抱藏弓痛代有霸王資能取卿
相重尊名居不祥胡弗鑄金俱

樊城遇石襄臣侍郎以喪歸述舊愴懷五十韻

龍鳳承三統飛騰條十春斧展扶日月劍履會星辰瞻斗
依華蓋騎箕去玉宸千秋判永訣一慟觸前因始識張京
兆同居漢近臣繡衣齊五馬畫戟擁雙輪吐握歸姬且涵
濡竝召郇官曹聯赤縣郎閣遠平津躍冶金呈彩干虹璞
炫負舊汗爭洗滌元氣大彌綸碧落翔先路青雲接後塵
搏桑東有耀溟渤北無垠禮數曾叨竊恩波暫就湮三湘
帆轉楚入水樹通秦衡岳遲迴雁黃河困渴鱗徒紉蘭薰

佩未易袞裳親中更憎多口平生誤致身楊雄甘不徒毛
義屈誰陳使者求顏返遙方借寇頻電威迴霽照雪恥復
儒紳饑卒沙驚唱災區府庫貧羸危將老母束縛向時人
羸倚通天迴廬虛謁帝巡早宜介子隱往繼孟家隣行色
輕辭醴軍需滯算緡關心惟潦倒歲序再嶙峋海內論交
契當時絕等倫北堂勞壽筭南國緩歸輪追憶悲霜露衰
殘付鬼神仍希憑夢寐得與敘酸辛夫子聲名達期年汨
沒伸清勤昌晚節奮迅佐洪鈞混俗消猜忌趨朝破笑頰
雖疎報桃李深望棟松筠要地門如市司空鬢似銀摠忠
應盡瘁超格况精掄燕雀安相處鯨鯢擾未馴古今禦外

侮好惡協斯民故轍猶堪迹頽瀾誼卽淪羣情觀動靜亮
節試緇磷諫諍何嘗塞謀猷弗及詢老成長歿謝賢路幾
遵循廢也孤奚託天平太不仁窮途留後死造物理難均
久闕生芻獻遙迎素旄新差肩失鵷鷺引睇表麒麟箐洞
深迷雨蘅皋冷嚮農那知燕市後其次楚江濱着樹分枯
苑吹花落溷茵毋縈去來念萬里獨颶閩

初泊漢江

茫茫南紀接天浮楓荻初維楚岸明月弄珠波夜駭大
江變酒漲春浮不逢耆舊襄陽語終古山川叔子留長記
樊城祠畔泊風旗獵獵颶沙洲

訪鹿門山

漢室將三分感歎弋鴻者空標顧俊名壘上謀天下百蟲
秋競鳴雌蟬獨瘖啞體質何高清气類有取舍使君領荆
州龍鳳各在野木禺憂子孫八郡傾南夏龜鼉自深淵燕
雀自大廈安知五鼎食不及一耒把蒼蒼鹿門山雲樹亦
瀟灑吾希臺孝威抗塵謝車馬

彭仁山總戎

體道

枉訪襄陽不遇時守風東津彎三

日矣乘小舟見及偕至宜城過其家邀邱玉亭軍門

時成

取別

東津彎頭烟雨裏山陰夜雪刺舟似鼉擲鯨喙止不前故

人將到神風使前年乞湖求放生二年種瓜學邵平爰居
鐘鼓久虛響插翅不及鴈南征河關相望隔秦楚見面驚
疑拭淚語杜鵑憐我啼血歸君哺慈烏固猶愈東方日出
鄢門開雞黍往約鄰翁來論詩說劍雜龍虎顧盼皆挾風
雲才從軍梁雍亦小試侯印看人懸肘臂玉具用作麥隴
耕駿馬空思沙場利朱幡十丈熊軾憑騎誰鼻息虹霓興
崔嵬喬嶽勢無覩謬引姪螻爲偶朋道途反行欲歇久世
有少年形老醜鉛刀留鱸武昌魚瘦益好貯宜城酒人生
聚散江上雲未死不用傷離羣君第勿嗔灞陵尉漢家會
起故將軍

舟中答邱玉亭軍門

臨江煙柳碧垂絲，記撲楊花灞水澹消息。未逢秦驛使，傳聞復見漢官儀。釣磯有客披裘卧，羌騎何人折箠笞。憑藉迴風語邊帥，待君銷甲力春苗。

憶葉二潤臣

晴川閣浮天，鸚鵡洲過雨。知近漢陽城，腹痛不得語。宰木何處蒼，風潮暮如許。平生鷄酒約，匆匆奈羈旅。

酬同年張粵卿制府

凱嵩

見贈原韻

霜風獵庭柯，階葉不容隙。欹枕返家鄉，曉尋夢無迹。衰頹念做廬，舟忽牽朝籍。身如古銅駝，閱世洛陽陌。四海少故

人生存各蒼白結交倦求新觸緒紛感昔井泥掘就渾突
煙徒避直理亂蓋微茫河洛空鉤撻君懷殊澹蕩功成繼
少伯水闊天東南鄂雲連楚澤蓴菜計良佳魚米豐易獲
江山青滿郭寒驢可鞭策 聖恩許寬閒疊寄脫煎迫猶
有萬甲兵雷霆鎖胸膈平生所心期相望久顏色星紀逾
再周夙抱慰一釋憶初三管闕遠煩百城畫白羽插軍書
朱幡擁畫戟戢戢大國才餘子附庸益卧虎資威聲塵勞
勢絡繹夜郎更徼外蒟醬阻難覿鬱成憂國病志豈軒冕
易歸對鸚鵡洲春草弄萋碧洲前吳越舡憫我尙勞役歲
月逝波濤苦塊屬枕席俯仰負君親淹留忘主客酒泉類

滇池萬里幅幘闢異類善相讐武忿今猶積自非韓范生
孰與其休戚我養邱壑姿君繫巖廊惜往事且結瘖綢繆
婚友夕川塗垂已暮河梁慘不適留侯辟穀心知者惟黃
石寥廓不高翔枉渚有鳴鐫關塞報深秋百蟲亦閉息矯
首復迴眸青冥雙鳥翮

別張鹿仙都轉竝題其抱山堂詞後

燕鴻倏代飛日月其既往江山屬遲暮哀樂殊俯仰霜葉
不可風寄樹存三兩蕭森春夏榮聲籟沈榛莽依依黃鑪
戀悠悠青瑣想脰肩憶全人媚嫵慙癭益大輒荷眾擎成
器異覬旒野蔓生鄙胸華屋失朋長鄂渚欣見君顏面阿

兄仿絕絃爲鍾期枯木鼓再響所居共巷陌接跡如疇曩

日攜婚友至

謂月樵
都轉

與慰羈旅想銜憂刻骨痛去垢搔心

癢寒色滿渚宮離愁動吳榜黃鵠不我留遠勢平於掌落
日吞滄江歸羽辭其黨人生不適意去住皆恂怛况忍聽
君吟春令助淒惘野鶴猶樊籠沙鷗獨菰蔣君倘懷嬰山
後約具雙漿

晤黃子壽同年

江漢會雙流泛泛鳧鷖泊雪霜摧兩鬢忽忽烏兔躍墮地
戀君親隨風轉蓬藿信無百年計任於四海託登壟有丈
夫射利彎繁弱斲鼻儻未工斂手觀其削往者過屠門眾

口競饒嚼若翁太古羹至味許斟酌共澄湘水清終奈涇
河濁謝公竟不起隨會安可作歸攜東陵瓜來控子安鶴
豈乏新知交疇話舊哀樂吁嗟黃無雙短褐亦非昨千金
泮滌汙世寶不龜藥棄家欲何向馬秣晨鷄喔固知松柏
蒼匪爭桃李灼我春物皆秋木葉雨聲索山河同一衾眷
子夢魂數

贈胡月樵都轉

鳳丹

以既見君子我心則喜爲韻

鼯鼠飲輒溢驂騑食每既枵然撫我腹祇有藜藿味羈抱
珠玉姿蟠紐蛟龍氣欲借珊瑚鈎釣子腸與胃

陰陽如水火二氣寒暑戰自非金與石洪鑪無由鍊一心

母萬物胎滿嬰兒見文章華池津日月久吞讌

江漢流日夜天近蒼梧雲欲遊渺帝女不寐見鄂君持贈
合歡被寶鴨夕以薰中有辟暑珠涼生去蠅蚊

節堅竹有孫莖淨蓮多子立幹以爲質緣情不隨靡窳窳
時一披肝膽得相倚始知文字性要培古根柢

折腰豈無人彭澤饑驅我隱居亦有求尼父仕際可大道
譬龍蛇伸屈機脫鎖子能天爲梯升闔已青瑣

天淵撫塵跡魚鳥時飛沈初非棧棟質又弗任礎礎布鼓
過雷門坎坎辱知音牛鐸調黃鐘寂靜龍笥心

吳越佳麗多且施竝傾國君與賦愁子張鹿仙制作有典則

吏曹不能困六籍自潤色幸假鷓鴣樓日就鳳皇食
紛紛冠蓋開博者集于市禪悅豈其耽浮雲笑相視隔牆
鐘磬響晨夕清我耳蕭然山林意門有足音喜

次韻答月樵七夕雨用硯樵贈顧齋韻見懷

壁蟲日夜織寸寸抽秋心隣女廢刀尺弄杼不成音河漢
頽西流雙星渡微禽暮歡晨慘別雨淚霑衣襟量天天匪
高測海海匪深高深寫德意古絃彈至今懶粧有病婦理
鏡忽沈吟兩情誓不違但慮霜雪侵

過鸚鵡洲

大兒孔文舉小兒楊德祖餘子紛紛不足數自無此才賦

鸚鵡鸚鵡西歸惜毛羽烟水蒼茫漢陽渡

天門山

卽東西梁山

傾潮輸水府雙闕勢難扃地盡東吳白天浮全楚青吹煙
來漠漠添鬢更星星羨爾魚舟健東西擊汰經

靈澤夫人廟

往在劉郎浦安知白帝城死酬大耳壻生愧紫髯兄此水
元通蜀何年悔借荆巴舡時有泊無限送迎情

夜過赤壁

買魚過赤壁看月近黃州不改周郎迹難爲蘇子遊波濤
春客枕天地駕扁舟俯仰皆如夢吾能化鶴求

黃州

黃州鼓角夜深聞悲壯江聲鬱入雲身是崇甯張別駕不
關生死總思君

京江迴望金陵

江海與天際秣陵煙雨間乘風輕萬里擁地出三山鸞鶴
一鞭背金焦雙髻鬢勝遊同輩盡秋色獨將還

蕪湖

木葉鳩茲郭蕭蕭潮暮生赭山延落照穀水浸孤城人向
青蕪渡風偏白浪迎連檣靜烽火往事指屯營

舟次塘栖感舊

二紀攜家去越閩驛亭南北慣知津青山黃葉尋歸路白
髮朱顏兀昔人愁疊布帆時轉側夢栽宰木易輪囷前途
喚買杭州酒淚染袍襟不忍親

自江口向富陽

江折岸屢旋湖慢風不縱羣峰迴馬勒左右緩韁鞚暮烟
葭菼合遠水鷓鴣弄始見富陽郭孤塔鶻盤聳堞影卧何
長篙眼穿皆洞叢木藏縣樓市色寒相控貫繩宛爲樞窺
牖多在甕拾燼狐篝餘望歲魚旗眾冰雹踵春災淫潦傷
秋種宰令牧民官牛羊鞭上隴荆鷄覆鵠卵豈繫力輕重
蕭條歷井邑啼嗒難成夢

桐廬曉發

鐘動驚夢寒澗谷船窗邃據几滿簾霜銅鬲拭新翠月弦
挂颿梢似帶夜來氣林曦倏透漏昏曠皆去蔽蔚藍過雨
染紺碧出波瀆泳翔互照影娛樂極天地紫溪東南流樓
林高下次文石鏤銀沙畫理割破碎范公謫睦州瀟灑欣
託寄泉筑帶風琴猶領當年意投身世罟罟拘官天黥劓
乘未頭盡童漁樵商位置

謁嚴子陵祠遂登釣臺絕頂

泥塗曳尾沾塼埃形如槁木心死灰除書謗書願不到頭
白萬里今眼開平生等輩幾司徒佐漢天子捧赤符癡駸

自謂老解事勸少屈曲取世娛焉知搶榆笑圖海鯤鵬非
知蝸未愚憶初飲淥富春渚曾上雙臺釣風雨馬日諸峯
陰漠漠白石清沙斷平楚深山大澤龍蛇阻木老霜晴鷹
隼舉坐論亦尙雲臺功遇占詎媿磻溪侶蹉跎書劍老何
成澹沱烟波能更覩丹楓赤柏翻秋烟上有絕壁插青天
千年籐根絡石角糾蔓引作釣絲懸解衣散髮躋末巔三
江暮色來無邊尺圭丈組污吾手折取淇園之竹垂淪漣
世閒榮辱且撥棄眼前快意良爲賢君不見萬古人傳門
卒塋一坏何處故人帝

白雲原訪謝皋羽葬處

六陵冷冬青幽恨沈煙雨誰爲甲乙丙
夕社鬼聚語雲滄興自南鬱勃薄林莽
朱鳥魂暮歸有味食無所布衣參軍事
憶從文開府攄憤三閭悲銜血一劍許
竹石歌旣殘崖山泣無主獨對漢雙臺
與掩宋寸土使天相趙孤嬰其以曰輔
忍能表季漢載筆如秦楚沒淵欲索鼎
雷隱蛟龍怒古者首陽邱義士骨不腐

蘭溪

城郭人民非風竿鶴來跨秋色開烟塵
慘舒異榮謝當年十萬家瓦礫傾臺榭
再返施且魂疑盡麋鹿化穀水吐華月
蘭橈盪清夜投餌競游魚採香妙獵麝
頗聞走市舶登

隴操弓射末利小錢刀餘生酸酒炙鄰舟癡女兒對客媒
未嫁客亦垂囊多妻孥仰資借甚思齊魯變毋狂鄭衛亞
茹苦不如茶同甘安得蔗

龍游李芷卿明府

宗鄴

謁余舟次移晷乃別欣其言

有合也勉以詩

誰謂衢江濁清水洗俗耳誰謂衢山卑峻不繫眾趾獲豆
去枯萁簸糠出善米折腰升斗閒見此冠服偉秦越渺相
知萍合蹤偶爾銅章龍游縣朱墨盡官紙坐曹儼老成謁
尹欠圓美獨諳禍亂本民散由吏靡爪牙虎而張殼鯨牛
其牴仁愛母萬物天豈讐赤子問塗於老馬驥駮老千里

更端及西事我默君知
信中原殘寇平未易完
瘡痍邊荒患氣多猶忍
竭膏髓自言家黔山官
驅礮苗起土著絡荆榛
穴居村蝮蟻黠能死客
軍勇輒窮介士猶恣貪
如狼暇憐棄有兇事與流
賊殊勢恍氏羌似徒戎
論未工縛蔡功難俟龔
黃則已無孫吳顧竊比
干鏃淬霜鋒韞囊畏逼
視于今世論隘慎毋鼓
脣齒喋喋訾嗇夫平勃
固無是一臂舉大木神
力幾何矣挂帆念別子
請歌衢山水

過樟樹潭至衢州風雨

篙工精爽緊猛進向太末
大樹闖將軍險隘已爭奪
幕雲忽倒垂鞭石競回撻
如合羣山圍不縱一帆濶
落後騎土

牛亦免奔蹶脫逆途識順處晚到勝先達
平明三尺漲枯灘噴新沫始知風雨馳以救魚龍渴
此州秔稻鄉夏插秋未活流萍春恐多膏澤歲毋闕
瓊瓊牽旅愁於世比瓜葛米家父子墨胡不早塗抹

楓嶺

旅愁山崢嶸欲鏟無金鐵急晷遁崦嵫暮天集霰雪驛亭
展行李絺綌換裘褐豈不畏川涂未遑惜日月昔賢視三
公渺猶吹一映簡書苦縛人井閭顧久別陰沈大小竿二嶺
名夜驚風竹折吧帖愴無瞻倉皇走跛鼈豁見楓嶺關瘦
日戍旗掣煙墟散昏鴉鳥語喧春鳩就炊峰色暝煖酒鄉

情熱妻孥問所經此方界閩浙

柘溪道中

濺濺柘溪水清可褰裳亂浴鳧曉菱藻天樂非世翫蒲荷
綠潑醅甕盎春浮案試使著吾舟插腳不至肝雷雨昔破
山起陸蛟龍歎一葉窈百灘駛甚七札貫推遷成齟齬奈
輓鼓疲懦不材於用短尺箠日取半霜根篋笠翁羨魚晨
及盱奚爲感鷓遲停橈就魚爨

至建溪作

燕秦踰廿載偷倉穴鼠闕纔持三十口與作建溪夢春芽
煎湯蠲眼細冬筍解庖犢角眾孺人稚子笑破顏咀嚼不

願贖神訟前灘鬻鬻名能呼年少去之成老夫誓墓何獨
公人無

除夕用十二辰體

東家西家忙嫁鼠土牛落後屠蘇舉南山射虎力不任霜
兔劣能揮萬楮龍飛十載告歸山修蛇掉尾知歲闌馬
磨汝南少自許羊裘齊國今猶慙棘猴博官見戲耳粥粥
鷄鳴歌未已莫希狗監有薦書自古公卿多牧豕

跋

吾師穎叔年丈刻其詩竟屬一言繫於末簡點不學何足
爲師益然嘗問詩於師矣曰詩者志也志其志而不詩其
詩上窺漢魏沿緣六代泊乎李唐以降字樞而句範肖則
肖矣而志不存焉湖弄風月狀學山水以紀風土則家同
邠岐以述功德則人竝周召而人倫之廢隊世運之陵替
一若棘喉鉤吻啞啞然不敢以吐是詩者有頌而無風有
正雅而無變雅豈古所謂言之者無罪聞之者足以戒邪
玉溪無題之什致堯香奩之集誠有所託而然也無所託
矣而靡曼蕩佚之音比於桑濮蒙竝恥之嗟乎師言詩若

是是可以用得師之詩矣抑聞之師早直樞垣熟天下之故
世變未萌逆憂乎數十歲以前洞若觀火再典大藩治軍
秦隴聞日與豺虎相習幾不知幢節之貴泄泄沓沓者又
魏居而鈐制之斯民顛躓凋劫虔劉之狀日交其前其中
之煩冤劇痛百抑之不得而始一應焉此豈有意乎詩者
其詩乃變而日上昔之橐筆鶴禦與輦下士大夫爲文酒
之會揚中聲追正始詎知其後之至乎是邪卒以是齟齬
於世而師亦垂垂老矣嗟乎抱負非常漸有當於一世而
有之而不用用之而不盡至假之詩以鳴其百一獨師之
志也哉獨師之志也哉光緒六年十二月受業馮煦跋